

叢書集成續編 第二一五冊目錄

文學類



詩總集——明

明西江詩選十卷

明 韓陽選編

胡氏豫章

一

蜀詩十五卷

明 賈經虞輯

古棠書屋

一七一

明代千遺民詩詠二十一卷

清 孫澍校訂

寓園

三一五

初編十卷

民 張其淦著

寓園

三一七

二編十卷

民 祁正注

寓園

四一六

三編一卷

民 祁正注

寓園

五一三

詩總集——清

漢詩音註十卷

清 李因篤評

關中

五二三

本事詩十二卷

清 徐鉉輯

邵武徐氏

六一三

明西江詩選

劉逢琛署

庚申五月刊

於南昌退廬

文章關氣運盛衰調謠知俗尚美惡肇自唐虞迨於有周雖里巷愚夫愚婦皆能和音叶韻以言其情三百篇是已漢魏晉唐以來作者體製靡一而用心莫不至到其間或涉于玄虛或流於綺麗求可以紹夫風雅者難乎其見也蓋有唐虞三代盛時之政治則唐虞三代盛時之遺響可以復焉我皇明家六合垂百年仁義洽于民心禮樂陶乎民性氣運日隆文章日盛俗尚之美政治之善駸駸肩乎三代康衢之謠田野賡歌之什見于朝廷而和平正大之作非三百篇可止嗚呼休哉西江實海內名邦文獻爲東南之

皇明西江詩選序

一

最由晉歷唐由唐及宋才人迭出勝國時大著詩名者四人而三人出江右國朝以詩著名者非一人而江右居多邇年奉勅撫巡茲土都憲姑蘇韓公政務之餘博詢洪武迄今已故諸公詩藁時遍閱之見其風淪皆治世之音足以鳴國家之盛欲擇其純粹而可以羽翼風雅彙爲一集刊布四方爰以諸稿授愚俾遴選之愚以昏瞽妍媸莫辨固辭不獲已甞勉藁錄呈之于公而加去取焉公不鄙復命愚爲之引吁詩豈易言哉言之固難而知之爲尤難都憲公以英特之資博瞻之學文章功業炳耀于時且求道之心

不以位高名立而有忘雖祁寒暑雨卷不釋手其爲諸公之作電囑一過美玉硤硤明珠魚目鑑別無遺第所選者止於江右諸名公而山林韋布之士豈無長篇大章詠歌盛治者乎惜一時莫能盡見亦未免有掛漏之憾焉況四海之廣文章之富尙俟公他日居聖天子左右以天下所貢之詩采選而爲皇明風雅云景泰五年甲戌冬十月旣望會稽韓陽謹書

皇明西江詩選序

二

余巡撫江西之明年博采國朝江西諸故老之詩得若干帙屬按察副使韓陽伯易大理少卿李公文曜選而正之逾年始成既壽梓以傳而爲之序惟詩成文之音可以觀世而知政者也禮曰治世之音安以樂其政和亂世之音怨以怒其政乖而其風俗之美惡教化之隆替功德之盛衰皆可考焉故自三百篇以下一代之興必有一代之文人才士振其音以鳴于其時從而采之著爲一代之典章彰其休以垂永世稽諸載籍可見已我國家統一海宇光嶽氣完列聖相承仁義道德之薰陶復深且久故人才輩出聲

皇明西江詩選序

一 豫章叢書

音大振自公卿大夫以至山林韋布能言之士皆足以追古作而西江稱文獻之邦藝文儒術之盛甲於天下作者尤多若是編之選其所以吟詠性情紀述事物頌歌太平雖體製不同而皆溫厚和平灝灝乎治世之音有以見風俗之美教化之隆與夫列聖功德之盛皆非近世所能及於乎休哉然西江一方耳所選僅百年耳而四海之大萬年之運奚止百千倍此况聖天子在位既頌五倫書君鑑以風天下又遣使纂脩方輿圖志將有所製誠制禮作樂之時也異時遍采選天下作者之什併斯集陳之著爲今之典

章被絃歌宣金石薦之郊廟施之燕射以似以續千億萬年之久以彰國朝無前之休將必有同余心者矣或者曰西江詩派有自來矣昔呂居仁作圖推黃山谷爲祖列陳后山以下二十五人爲法嗣今之所選抑皆嗣其派否乎余曰不然先儒論山谷之詩思多輕浮后山之詩疎於叙事而所列其間亦有選擇不精之辯今斯集所載固皆老師宿儒之作兼盛唐諸家體製而肩摩踵接於今者視昔尤盛蓋宗三百篇之派而頡頏李杜居多豈拘拘山谷后山而已耶又曰詩之義大矣故選爲難知尤不易二百篇之後

皇明西江詩選序

二

間莫盛於李杜然不知者猶以優劣論之今之所選果皆精而傳之天下後世能必其無優劣之論乎嗟此非余能盡知也擇而辯之尙有俟於知者景泰六年乙亥春正月既望賜進士出身中順大夫都察院右僉都御史姑蘇韓雍書

天開一代文明之治必篤生一代傑出之才工於述作以鳴國家之盛然詩與文異趨而同歸人之精華發而爲文文之神妙詠而爲詩皆至理妙道之形著大則經天地明則昭日月幽則通鬼神植綱常扶世教鋪張帝載藻飾休光咸賴焉詩之云者又豈嘲風月弄花鳥誇耀烟雲侈人之諷詠而已哉實與文相爲用於治化有補耳肆惟國朝誕膺景命奄有萬方乾坤正氣之鍾毓醇儒碩輔之挺生大江以西號稱最盛起而登臺閣列廟堂窮而逐山林栖草野以詩鳴世爲海內所宗者聲光氣韻之輝映爰自洪武迄

皇明西江詩選序

一

今播傳於人手抄口誦無間窮簷陋壤然未有能類次成卷以便觀覽用垂不朽者君子憾焉景泰壬申春巡撫都憲姑蘇韓公永熙遍歷列郡考察之餘訪求遺藁長篇短章諸體悉備屬憲副山陰韓公陽精加選擇必體製足以垂範士林論述足以輔翼史氏然後取焉否則雖工不錄復屬予校正并爲序壽梓以傳竊惟詩者志之存緣情而作在心爲志發言爲詩聲用律和律隨音奏古詩三百獎善懲惡嚴如秋霜烈日及夫成孝敬厚人倫其感人也溫如甘雨和風然一變而爲騷再變而爲選三變爲律爲歌行體

製雖有不同其所以理性情寓美刺獎善懲惡有補於風教一也況西江之詩盛自古昔唐以前無庸論矣宋則廬陵歐陽氏臨川王氏豫章黃氏諸先正相繼挺出以古學相高雅音正調足鳴當代之盛元則虞邵庵范太史揭文安諸君子高詞健筆雄視天下悉復盛唐之風我列聖相承儒風丕變至治崇文詩追古作今所選者純而正典而實雄深而不叢冗精妙而不粗疎麗蔚焉不流於纖巧渾厚焉不病於瑣碎誠一代傑作也又況俊邁光明之氣和平正大之音尤足振凋弊洗腐陋敷昭代之弘休補史氏之放失視昔有聲宋元者得不十倍其人乎今諸老雖已淪沒然炮燭若星斗流峙如河岳黃鍾大呂音律鏗鏘響徹霄漢之表者歷千萬古猶一日曷以存沒有間哉其播今而傳後也宜矣余非知詩者世謂文章莫難於詩信乎詩之難能也嗚呼大雅久不作正音不復聞撫卷悵然徒興望洋願學未能之嘆謹述此爲序用致高山景仰之意云景泰六年歲次乙亥三月一日中憲大夫贊治尹大理寺右少卿廣信李奎書

皇明西江詩選序

二

皇明西江詩選目錄

卷一

梁寅 二十九首

朱善 二十六首

劉伯序 十六首

劉松 六十八首

朱夢炎 九首

胡季安 一首

卷二

王沂 二十三首

皇明西江詩選目錄

王佑 三十二首

解縉 三十六首

胡廣 六十一首

金守正 一首

金幼孜 三十一首

卷三

胡儼 八十二首

楊士奇 九十一首

吳溥 三十三首

卷四

鄒緝 十五首

朱彥昌 七首

胡敬方 一十一首

熊概 三十三首

羅養蒙 二首

羅汝礪 七首

蕭翀 二十首

卷五

曾棨 六十四首

李時勉 四十五首

皇明西江詩選目錄

余鼎 三首

尹昌隆 一首

劉子欽 一首

卷六

黃宗載 十首

梁潛 二十六首

劉球 六首

曾鶴齡 十五首

余學夔 十五首

蕭時中 五首

02/05/11

卷七

王英 七十首

周述 五十首

周孟簡 八首

張微 十四首

戴仲才 五首

卷八

李禎 七十六首

周忱 二十九首

彭璉 二首

皇明西江詩選目錄

黎充輝 十一首

潛溟 四首

曾一本 十一首

卷九

劉士皆 二十首

周叙 四十六首

劉素 二首

孫日恭 二首

陳仲述 一首

揭軌 二首

三

李頤 一首

劉承直 一首

熊鼎 二首

劉昭年 二十九首

卷十

張無爲 六首

張率 一首

陳汝言 二首

周桀 二首

賀子徽 一首

皇明西江詩選目錄

羅坤泰 一首

李學 一首

黎公昇 一首

張潮宗 一首

羅子濬 一首

劉仲珩 一首

彭鏞 一首

熊叔誠 一首

李廷儀 三首

李仲訓 五首

四

左彥彰 一首

鄭誠 五首

陳素 一首

龔燧 二首

黃熙 一首

涂子雄 二首

喻伯唯 一首

萬宗海 二首

齊尙洪 一首

羅碩民 二首

皇明西江詩選目錄

五

黃孟蔚 二首

鄭與常 三首

徐行 二首

張叔同 二首

王仲序 二首

熊友尙 二首

熊子維 三首

金思廉 二首

魏源 一首

皇明西江詩選目錄終

皇明西江詩選卷之一

會稽韓陽選編

弋陽李奎校正

梁寅 字孟敬號石門臨江人國初五典江右文衡

擬古

獨處衡門下慨然思九州我馬苦疲怯山川多阻脩
豐草被長坂糜鹿或羣遊蔚彼嘉樹陰鳴禽自相求
彼物各有適而我何寡儔日月雙車輪恒恐不少留
願與二三友朝夕論王猷毋爲自局促窮廬悲白頭
名都少年子金多矜富強連雲起甲第峨峨擬侯王
皇明西江詩選卷一

原章叢書

外廡駢騷驥侍女羅姬姜豪貴相經過綺席飛瓊觴
醉言氣凌人歡樂殊未央嘲笑東鄰士晏食唯糟糠
豔豔桃李花隨時逞妍芳豈知易零落榮華安可常
昔常好名山五嶽期遍歷思見松與喬再拜問仙液
微生累妻孥常爲飢凍役歎此血內軀何以生羽翼
諒非金石同服食竟何益不如安我常百年順所適
驅馬出東郭松林見高墳云是公侯葬華表千層雲
歲月旣已遠朽石生荆榛虺蛇或內蟄狐狸當書蹲
芻兒歌其上死者寧復聞感此長太息浮生若鷗塵
惟當勗明德千載逝猶存

我有太古琴千年妙音續七絃何泠泠聽之非促遼
一彈文王操再彈宣父曲聖人宛見之何由躡其躅
大道日以淪澆詭馳衆欲孰思障頽波九州反清俗
獲龍爲股肱巢許遜岩谷窮通各有志於我奚不足

題印主事罷釣軒

曲池照林塢百尺懸蘿陰開軒坐垂釣水清如我心
小魚易傷生大魚或淵沉投竿爲之側於此悔悟深
名區縻好爵都市爭黃金但戀釣餌馨豈知憂患侵
濯足南澗流振衣北山岑旣羞結網罟何必溉釜鬻
物生免相賊青藜常自禁嘉此古人意託之金石音

皇明西江詩選卷一

二

簡伯英伯筠見訪再留信宿

谿谷雲晝合東林微雨來二友歛俱至一見紓中懷
掃我茅茨室爲君綈帙開上言風雅韻下言豔歌諧
何以相淹留清醕不盈杯何以爲遠贈愧無瓊與瑰
煦風失堅冰谿水流湑湑歸鴻正翺翔浮鷺散參差
告我遠言旋定省恒懼乖懿此孝友心令德善自培
願爲王國士無愧北山萊

暇日過吳子亮寶藝齋偶賦

長安繁華子錦綺爲衣裾千金歐冶劍百金大秦珠
腰帶玉麒麟馬鞭青珊瑚雞杜陵曲走馬黃山隅

一朝欲自厭謝遣輕僎徒出市賣駿馬下帷事詩書
落筆慕班揚開口論唐虞既膺丞相薦詔徵詣公車
三十秘書郎四十諫大夫不登金張門掉臂許史廬
結知萬乘主入侍九重居里閭共嗟嘆金玉竟何須
六藝信爲寶少年毋自疎

玉階怨

團扇且棄置夕氣涼轉添流螢點魚鑰隕葉近蝦簾
羅衣舊恩賜不令珠淚霑

怨歌行

雲母屏風露涼蒲萄錦金釵月光羞看綉帳雙鴛

皇明西江詩選卷一

三

帶徒費薰衣百和香

寶釵頭上千黃金可憐墮井無復尋情如秋嶺朝朝
淡愁似春江日日深

西門行

出西門安所逢所逢皆少年稀見白頭翁人生如春
花朝競陽豔夕空叢百年流光能幾何幼而蚩蚩老
歎蹉跎歡日苦少愁日苦多勸君美酒聽我歌寧爲
貧賤之娛樂無羨得意之奔波

車遙遙

車遙遙江上路知君心與江水東水可停流車不駐

出門望風沙碧雲在天涯少年萬里志那思早還家
落花紛紛霑綺疏春來春去傷離居丈夫官慕執金
吾敢云富貴非良圖託身自誤不自怨惟願羊腸九
折無摧車

大堤曲

大堤女兒顏如花穠妝綺服踏江沙折花聞草歸來
倦小樓閑坐彈琵琶玉釵金蟬雲鬢整江水照見花
枝影舟中少年久凝望如飲春醪昏不醒焉知美人
心險若奔與機令爾黃金一朝揮魚向深淵藏鳥逐
層雲飛勸爾慎勿癡且惑縱有多金不如歸

皇明西江詩選卷一

四

楊白花

楊柳花可憐白雪飛暮春文聰翠牖日方永楊花撲
撲空愁人縈簾復度幕度曉復縈簾向夕春風起愁
人愁轉添願倩春風一吹去點郎繡衣暫回顧

李辰州黑首白馬歌

李侯名馬姿相別赤鬃紫燕俱下列頭純黑色身徧
白一片陰雲兼積雪自言辰州初買時城門走試驚
颺馳少年旁觀皆嘆息前者未聞今見之矯如玄龍
躍春水巨浪掀騰玉麟起夜埽金絡光可觀畫鞴銀
鞍色相似東還豫章今幾載黃金可市當十備長鳴

冀北羣已空出獵陰山意常在吁嗟李侯才更賢虬
鬚燕領神凜然明年踏雪趨幽燕青霄飛鞚朝九天
九重詔拜大都護此馬願逐雙旌去

袁孝子篇

海陵袁道濟爲鹽丁貼戶其父爲富豪所陵
轢死非命道濟茹哀廬墓三載山東張緝爲
之作傳前御史趙侯子威尹於是復爲上其
事侯之子致本學於予因請賦之

袁孝子思死如生生欲死海鹽場上淚眼枯哀心無
窮海之水誰云猛虎兇誰云長蛇毒咄爾兇毒人何

皇明西江詩選卷一

五

獨無骨肉爾身雖莖斷腸已裂我腹父也銜冤螻蟻
鄉兒猶飲食被服裳皇天昭昭還三光如山之罪胡
可以掩藏暑臥埃塵寒臥雪霜免躍我前野狐嗥我
傍父魂有知兒共處母存未忍兒身亡嗚呼天下幾
人冤且苦孝子三年獨廬墓官書大字表門戶更願
除却人間蛇與虎

題黃富羹氏皆山樓

我聞仙人十二樓乃在白雲之島丹霞之洲君家結
樓在人世何爲亦戀山巖幽山中紫芝日堪茹亦有
白石可煮爲珍羞八應何玲瓏七星掛簷頭翩翩立

鶴度甡甡蒼鹿遊千丈松間來遠颺萬年石上鳴寒
流憑高聽此不知倦足以滌蕩人間之閑愁君家渝
水南吾廬相望不百里山樓幾世且幾年今重構之
良有以昔聞飛甍爲瓦礫瓦礫再見飛甍起玉堂學
士記早成南郭先生詩更美日延賓客喜多暇誦文
歌詩夜未已有時鉤簾嵐翠入舉觴談詠烟霞裏嘈
嘈天籟悅心耳石爲豆登泉作醴樓上朝復朝山中
年復年隱君之樂何陶然金丹可遇不可求遣情以
酒亦得仙春圃花草可翫惜秋林風月宜招延心常
受此樓外之皆山千峯萬壑森森後先醉翁之樂樂無
極山中之人相與長周旋

皇明西江詩選卷一

六

霍將軍篇

霍將軍甲第闕且雄堂中賓客風生坐門外車馬雲
連空俊彩馮子都英姿范明友紫綳袍加火浣衣雕
鞍玉間黃金鏤金吾上將常歛避羽林郎官多擁後
一朝九重恩變頃刻侯悉皆擯棄人何不看取桃李
花終讓松柏寒猶春

黎明善同宿觀陰何詩因賦

桂館閨妍詠醉醺却杯深微寒風墮葉斜光月隱林
鵲定屢翻翅鴻遙尙流音誰知此夕意卽是昔人心

夏曉

雨歇曙雲涼命童耕烟草貪眠人起遲無憂鳥啼早
土膏長麻菽澗流沃秔稻樂此巖下居時康慰衰老

寄阮謙仲

阮君江海士不減嗣宗賢酒共名流飲詩從野客傳
尋山經楚甸踏雪上吳船急景心常惜冥搜思獨玄
其詩集曰園成朝川上花憶浣溪邊隱戶山擎月樓
臺樹接天珍藏太史錄剩集小山編何日參佳論臨
流思渺然

何伯遜見訪贈詩和答

皇明西江詩選卷一

百里來尋水竹村鵲聲將喜報衙門山中白石聊同
煮世上黃金未足論詩似陰何思更苦跡追園綺道
尤尊貧家無物堪娛客一樹寒梅雪映軒

登吳山

城繞青峯錦繡迴仙樓十二競崔嵬雲飛滄海山無
盡湖撼長江雨併來吳相忠魂祠宇在宋皇行殿荒
宮開東南都會金城廢竟日湖船絲竹哀

次韻姜叔德冬雪

黃雲羃羃四山圍翻海陰風撼竹扉珠向美人簾下
撒花當歸客馬前飛夜牕銷燭增寒氣曉艇攸蓬失

翠微豪俊不誇金帳飲新詩聯壁自生輝

都下將歸宿石城門外和李仲淵知縣晚過上

林之作

韋曲風光尺五天驕驄嘶過酒樓前龍輿陌路踈疎
雨鳳闌觚枝淡淡烟上相綵旆歸柳外王孫金彈落
花邊臨流有客題佳句不羨春風歌舞筵

抵豫章寄淡溪姜氏叔範叔用叔謙

長羨姜侯兄弟賢幽人庭戶水雲邊花開舊樹觀生
意竹長新蕙勝往年留客共尋垂釣侶愛孫仍蓄買
書錢相親少壯今華髮一念睽離一展然

皇明西江詩選卷一

八

京城橋南寓館雨寒詠懷

故園梅花想遍開京城日日苦寒催縱使還家將歲
盡也勝爲客又春來

爲紫霞營所贈題白鹿仙人圖

百尺蒼松雲氣重千年白鹿澗邊逢仙人月下吹簫
處知在縹緲山第幾峯

朱善

字備萬號一齋南昌豐城人仕至翰林院學士

蘭竹美方貞婦也貞婦守節執義婦道既全擇
師教子母道無盡故作是詩以美之

冬蘭青青列于階庭風雪所撓不枯不榮 冬竹猗猗

猶蔭于戶牖冰霜所摧不萎迺秀 彼美貞婦志潔
行高貲貲朝夕不敢怨勞 有蘭之幽有竹之節守
義不渝之死靡慝 夫也天只孰忍忘之子之幼矣
誰其將之 夫也天只孰忍負之子之幼矣誰其顧
之 適彼南畝言刈其麻我勤于績以定我家 適
彼南圃言採其桑我勤于蚕以實我筐 爾筐既盈
爾家既寧迺教爾子勤于六經 學業既優克忠克
孝維予之賢繄母之教 載歌蘭竹續彼柏舟允矣
方氏共姜之儔 蘭則有馨竹則有筠嗟婦之貞永
保令名

皇明西江詩選卷一

九

遠別辭送餘干令李謙山

風淅淅兮雲悠悠木葉落兮天宇秋君胡爲兮不返
嗟久客兮淹留攬西山兮秀色泛東湖兮弄明月樂
莫樂兮新知心奚忍兮輕別山有虎兮湫有龍勞余
思兮忡忡渺餘干兮何許揮五絃兮送孤鴻父老兮
扶藜兒童兮竹馬侯之去兮我心悲侯之來兮我憂
寫桂棹兮蘭舟參子祛兮夷猶南州雖好兮不可以
久處嗟子去兮何以慰我之離愁

漁父還劍辭

日之將夕兮道阻馬罷波流浩渺兮孰拯其危余舟

可濟兮宜也其時子今不度兮後悔可追爾劍雖寶
兮余無所用之豺狼在野兮水有蛟螭子持以往兮
慎所歸履信蹈義兮毋倒行而逆施吁嗟遠遁兮後
將余思

爲李兵馬賦問月篇

李侯性嗜酒酒量如謫仙當其快飲時亦似鯨吸川
待月月不至求我問月篇代爲矩矱答聊使飲者傳
月行有常度遲速皆在天既晦卽爲朔既朔卽有弦
三五盈又缺三五缺再圓還出非有徇早至非有偏
一年十二度來往如循環治化由此成成功由此全

皇明西江詩選卷一

十

至公無私照顯晦皆自然豈於爾有私爲爾照几筵
白也固狂斐爾狂仍莫鐫詩以示至理智者宜精研
望雲圖詩爲廣州大使熊悅作

瞻彼西山麓白雲何悠悠吾親舍其下望之懷百憂
浮雲不可卷逝水不可返遊子悲故鄉別親日已遠
雲飛可逾嶺母老難辭家豈無甘旨具奈此道路賒
昨日鄉親來老母幸無恙殷勤附書去慰母倚門望
阿母望兒歸兒歸未有期願母加餐飯慰子長相思
人言居官好何如還鄉早他日乞身歸綵衣爲母壽

舟中書所見

五牛牽一車四牛曳一犁畊田不費力運物豈愁遲
露冷草枯候天寒稻熟時農家真快樂父子共熙熙
清河五百里觸目興悠然客用驢馱物人驅牛曳船
魚鮮堪換粟棗熟不論錢安得移家住教兒學種田
客省使溫田玉西域人也載酒過翰林痛飲且
留詩因和其韻

溫侯載酒詞林聚吟詩大似陰鏗句共是東西南北
人翩然雲路還相遇君言我賦有金聲我亦憐君如
玉樹摘詞已喜錦生花屬思尤如繭抽緒且將腸蠟
注清樽莫遣林鴉驚列炬夏宵苦短君意長忽覺霜

皇明西江詩選卷一

十一

鳴鴈欲曙請君上馬早朝天我亦束衣從此去

長短句

翁騎驢兒牽車童子荷擔相追隨風淅淅草淒淒阿
兒苦寒翁苦飢翁雖不語心傷悲吁嗟薄命當訴誰
遼東雖云樂不如早旋歸

九月初一日庚午出龍江

清晨辭鳳闕滿暮出龍江父子趨殊域詩書化異方
鍾山雲渺渺遼海路茫茫但願身長健他鄉即故鄉

甲戌過桃源驛

迥與武陵異偶然名字同祇知迎驛使豈識問漁翁

脆質慙蒲柳浮生槐梗蓬何由訪仙境不與世人通
八日丁丑至徐州城老妻病歿倉卒葬畢揮淚
登舟而去

病妻中道頓倉卒奈渠何老眼雖少中心痛已多
椒漿唯自奠薤露竟誰歌永作他鄉鬼孤魂寄薜蘿
辛丑入安山湖

湖水渺無際篙工訴苦辛天風能送客川后不淹人
雪浪排空闊雲山入望頻此生隨萬物何必獨傷神
布政使吳公與閩宋二參政留飲醉臥舟中

皇明西江詩選卷一

十二

高堂華宴設不覺飲厭厭醉臉回紅潤還舟任黑甜
丹心唯自信白髮竟誰添早被儒冠誤潛夫未許潛

庚寅入壽光縣界

浙浙風中黍蕭蕭露下桑始驚時物變轉覺道途長
報國心常赤思家鬢已蒼故鄉頻入夢烟雨暗潛塘
辛卯趨稻田驛

涼風吹古道落月照空山鴈過人開戶鷄鳴客度關
愁多心緒亂身老鬢毛斑欲就君平卜茲行幾日還

聞鴈

汝向江南去江南吾故鄉雖無書達意却有淚成行
淺水浮蘋藻良田足稻粱鳬鴨堪作伴鷹隼亦須防

丁酉至蓬萊縣

兩年居禁苑一日至蓬萊海上烟波隔人間歲月催
野鷗從此泛仙鶴幾時回唯有王喬鳥雙鳬數往來

廿九日戊戌別刑部從事仇文炳

累月陪歡笑君歸我獨行幾時重會面此別最關情
匹馬回京遠扁舟過海輕故人來問訊爲道老夫名

望嗚呼島

五百田橫士齊心出至誠寧爲同日死不苟一時生

島有嗚呼號人留慷慨名至今觀信史遺恨幾時平

至金州驛和軍中秀才榮景巖韻

皇明西江詩選卷一

三

解后金州驛蕭然一旅人身居滄海外家在大江濱
酒至愁先醉詩成覺有神相看兩不厭熟主孰爲賓

與金州張王二指揮同宿諸衙鋪

海舟曾共濟山館復同眠檣櫓燒新火穩穩解舊羶

三盃雖率爾一枕且恬然明日遠坡路君應到在先

古廟松風

遺廟不知何代建蒼松還憶古人栽遙聞午夜風濤

起疑是半天風雨來

手山擎月

仙人已乘白雲去仙手猶擎孤月寒好拉洪崖同跨

鶴更招子看共乘鸞

龍灣曉霧

龍灣之水何縈迴曉霧濛濛未開應有蛟龍現神
怪向空虛氣作樓臺

蓮池垂釣

露冷風清池水秋蓮衣落盡藕絲柔誰人正把任公
釣有客方眠太乙舟

劉伯序

名款南昌豐城人
仕爲崇明知州

懶拙詩爲范副使作

陶侃勸運髮君獨以懶稱公誇巧慮我君獨以拙名

皇明西江詩選卷一

古

一有爲已病況復懶拙并無乃假其義遂此曠達情

既懶非汲汲既拙非營營動止付天定得失鴻毛輕

視彼流俗中未辨濁與清謀爲事勤巧利欲徒紛爭

裁衣行

裁衣須裁短短衣短衣上馬輕如飛縫袖須縫窄窄

袖袖窄彎弓不礙肘短衣窄袖樣時新殷勤寄與從

軍人願郎着衣使弓馬破敵長驅古城下明年佩印

披紫緋裁衣不比從軍時

東湖女

東湖女兒髻綰鵝清晨結伴來西家碧羅裁衫照秋